

Cylchlythyr Rhaglen Gwyddor Gofal Iechyd

Mawrth 2022

Y Diweddaraaf am y Rhaglen

Mae'r Rhaglen Gwyddor Gofal Iechyd yn parhau i hwyluso'r gwaith o gyflwyno fframwaith 'Edrych [Ymlaen](#)' [Gwyddor Gofal Iechyd yn GIG Cymru](#) ar draws y pum colofn:

- Gweithlu ac Addysg.
- Ymchwil ac Arloesi.
- Diwylliant ac integreiddio.
- Ailgynllunio a Thrawsnewid Gwasanaethau.
- Ansawdd a Diogelwch.

Mae papur yn cael ei ddatblygu gan y Rhwydwaith Gwyddor Gofal Iechyd i ddarparu Gwybodaeth ac arweiniad ynghylch rôl, recriwtio a hyfforddi Cynorthwywyr a Gweithwyr Cyswllt Gwyddor Gofal Iechyd yng Nghymru. Mae'r papur ar gyfer Cynllunwyr Gwasanaethau, cydweithwyr Datblygu Gweithlu a Datblygu Gweithredol yn Ymddiriedolaethau a Byrddau Iechyd Prifysgol GIG Cymru.

Mae'n disgrifio rôl, gofynion recriwtio ac addysg neu gyrhaeddiad Cynorthwywyr Gwyddor Gofal Iechyd, Gweithwyr Cyswllt a Gweithwyr Cymorth yn GIG Cymru. Bwriad y papur hwn yw cefnogi'r gwaith o ddatblygu gwasanaethau Gwyddor Iechyd lle mae Cynorthwywyr a Gweithwyr Cyswllt Gwyddor Gofal Iechyd yn cefnogi ymarferwyr Gwyddor Gofal Iechyd, Gwyddonwyr Clinigol, ac eraill ar draws y meysydd gwyddonol amrywiol ym maes Gwyddor Gofal Iechyd.

Bydd y garfan gyntaf o ddysgwyr yn cael eu cofrestru ar Brentisiaeth Lefel 4 mewn Gwyddor Gofal Iechyd. Bydd y cymhwyster Lefel 4 yn cefnogi dysgwyr i rolau awdioleg cynorthwyol, gwyddor gwaed a pheirianeg glinigol a llawer o rolau Gwyddor Gofal Iechyd eraill, gyda dysgwyr yn gallu cofrestru â sefydliadau'r GIG ledled Cymru. Er bod y rhaglen yn cael ei chynnal ar draws Cymru gyfan, mae'r prosiect wedi cael ei arwain gan

Fwrdd Iechyd Prifysgol Cwm Taf Morgannwg.

Mae'r rhaglen yn cael ei chyflwyno mewn partneriaeth ag Educ8, gan gyfuno'r arbenigedd dysgu galwedigaethol yn Educ8 gydag arbenigwyr pwnc yn y gwasanaeth iechyd.

Rydym yn parhau i gydweithio â Fforwm Myfyrwyr Gofal Iechyd Cymru i annog aelodaeth gyda'r gweithlu Gwyddor Gofal Iechyd. Mae'r Fforwm yn cynrychioli'r holl fyfyrwyr gofal iechyd cyn cofrestru yng Nghymru ac yn cyfarfod unwaith y tymor i drafod materion perthnasol ac i chwilio am ffyrdd o ddylanwadu a gwella addysg a chyfleoedd gwaith yn y dyfodol.



Newyddion Staff

Ar 11 Chwefror, gadawodd Maria Edwards ei swydd fel Rheolwr Rhaglen Strategol ar gyfer y Rhaglen Gwyddor Gofal Iechyd Genedlaethol. Dyma neges bersonol gan Maria:

“

Mae'n chwerw-felys cael ysgrifennu'r neges hon gan fy mod wedi cael y ddwy flynedd orau o weithredu'r fframwaith Gwyddor Gofal Iechyd 'Edrych Ymlaen' a bwrw ymlaen â'r camau gweithredu ynddo ochr yn ochr â'n gweithlu gwyddor gofal iechyd anhygoel ar draws GIG Cymru. Er fy mod yn gadael GIG Cymru, yn hytrach na dweud ffarwel, fe ddwedaf tan tro nesa. Wrth i mi symud ymlaen i bennod nesaf fy mywyd proffesiynol, rwy'n diolch i chi am fod yn griw hynod o bobl rwyf wedi mwynhau gweithio gyda nhw'n fawr. Rwy'n gadael yma gan wybod mwy na phan gyrhaeddais.

Rwyf hefyd yn ddiolchgar iawn i'r Rhwydwaith Gwyddor Gofal Iechyd a Llywodraeth Cymru am eu cefnogaeth, eu hanogaeth a'u harweiniad parhaus, ac i'n gweithlu gwyddor gofal iechyd anhygoel yng Nghymru am ddysgu i mi am eich proffesiwn anhygoel a helpu i siapio'r rhaglen i'r hyn ydyw heddiw. Rwy'n drist o orfod gadael, ond yn teimlo'n gyffrous am yr hyn sydd o'n blaenau, i mi ac i bob un ohonoch. Boed i ddyfodol pob un ohonoch fod yn llawn llwyddiannau eithriadol.

”

Yr ydym yn gwerthfawrogi'n fawr yr holl waith caled y mae Maria wedi'i wneud dros y ddwy flynedd diwethaf, a bydd colled ar ei hôl.

Croeso i'r tîm!

Rydyn ni mor falch o'ch cyflwyno chi i Toni Davies, Karen Stanley, ac Ellie Claridge, sydd wedi ymuno â'n tîm yn ddiweddar.



Enw: Toni Davies

Swydd: Rheolwr Rhaglen Trawsnewid
Gwyddor Gofal Iechyd

Rwy'n edrych ymlaen at ddechrau yn AaGIC fel Rheolwr Rhaglen Strategol ar gyfer Gwyddorau Gofal Iechyd. Rwyf wedi gweithio mewn amrywiaeth o rolau corfforaethol a gweithredol yn y GIG yn Ne Cymru. Rwyf wedi datblygu sgiliau arwain a rheoli dros nifer o flynyddoedd gyda diddordeb penodol mewn Rheoli Rhaglenni, Rheoli Prosiectau, Cynllunio a Newid Trawsnewidiol. Roedd fy rôl GIG gyntaf ym mis Chwefror 2016 fel Hyfforddai Rheoli Graddedig ym Mwrdd Iechyd Prifysgol

Cwm Taf Morgannwg, a chyn hynny treuliais dros 7 mlynedd gyda'r Cynllun Cenedlaethol i Atgyfeirio Cleifion i Wneud Ymarfer Corff ym Mhen-y-bont ar Ogwr fel Gweithiwr Ymarfer Corff Proffesiynol, gan weithio'n uniongyrchol gyda chleifion a defnyddwyr gwasanaeth i wella eu hiechyd a'u lles drwy bresgripsiwn ymarfer corff. Astudiais BSc (Anrh) mewn Seicoleg a byddaf yn cwblhau fy MBA Gweithredol ym mis Mai 2022.

Diddordebau:

Yr hy sydd yn fy ngwneud yn fwyaf hapus yw treulio amser gyda fy nheulu a fy frindiau. Rwy'n wraig ac yn fam i 2 ac rwy'n treulio llawer o'm hamser yn mynd â fy mhlant i lefydd newydd i grwydro a rhedeg o gwmpas. Rydw i wrth fy modd gyda chelf ar bob ffurf (dawns, cerddoriaeth, peintio) ac rydw i bob amser yn chwilio am heriau newydd yn broffesiynol ac yn bersonol.

Enw: Karen Stanley

Swydd: Swyddog Cymorth Gweithredu ar gyfer Trawsnewid Gwyddor Gofal Iechyd

Rwy'n edrych ymlaen at ddechrau yn AaGIC fel Swyddog Cymorth Gweithredu gyda Gwyddor Gofal Iechyd. Rwyf wedi gweithio yn y GIG ers sawl blwyddyn; roedd fy swydd gyntaf yn gweithio ym maes Gofal Sylfaenol, a arweiniodd at swyddi ym maes

Iechyd Meddwl a Lles. Penderfynais ddilyn fy ngyrfa ymhellach drwy ddilyn llwybr Prosiectau, gan fwynhau'n fawr y ddeinameg y gall prosiectau ei gynnig yn aml. Y Rhaglen flaenorol yr oeddwn yn ymwneud â hi oedd Rhaglen Glinigol Genedlaethol a oedd yn caffael Gwasanaeth Delweddu newydd i Gymru. Rwy'n gymwys ym maes Gweinyddu Busnes a Rheoli Busnes. Yn ddiweddar, rwyf wedi ennill cymwysterau ychwanegol ym maes Rheoli Prosiectau.

Diddordebau:

Rydw i'n gerddwr mynydd brwd iawn, ac yn mynd allan i'r mynyddoedd mor aml ag y gallaf. Rwy'n arddwr brwd ac yn tyfu fy ffrwythau, fy llysiau a'm perlysiâu fy hun. Mae coginio yn ddiddordeb angerddol i mi ac rwy'n fodlon treulio oriau lawer yn y gegin yn creu prydau gyda'r wyrion a'r wyresau. Mae rygbi yn gamp y mae gen i obsesiwn amdani! Mae Ymddiriedolaeth Sepsis yn elusen yr wyf yn gwirfoddoli gyda hi.



Enw: Ellie Claridge

Swydd: Cynorthwydd Gweinyddol
Trawsnewid Gwyddor Gofal Iechyd


Rydw i'n un o'r rhai newydd yn y tîm, gan ddechrau gweithio i AaGIC ym mis Mawrth 2022. Rydw i wedi gweithio ym maes Gweinyddu ers tua thair blynedd tra'n cwblhau prentisiaeth gyda fy nghyflogwr blaenorol, Prifysgol Caerdydd. Mae fy rôl yn amrywiol, yn cynnwys cymryd cofnodion, trefnu digwyddiadau, sefydlu swyddi newydd o fewn y tîm Gwyddor Gofal Iechyd, ynghyd â bod wrth law i ateb ymholiadau cyffredinol gan dimau mewnol yn y sefydliad.

Diddordebau:

Y tu allan i'r gwaith, rwy'n mwynhau cymdeithasu gyda fy nheulu a'm ffrindiau. Rydw i hefyd yn mwynhau teithiau cerdded hir gyda fy nghariad a'm ci i lefydd fel y traeth. Rydw i hefyd yn aelod o gampfa, Love Lagree. Mae'n ymarfer corff pilate Americanaidd, a dyma'r unig gampfa yng Nghymru sy'n cynnig yr ymarfer corff unigryw!

Sesiynau Tynnu Sylw at Wyddor Gofal Iechyd

Ers ein cylchlythyr diwethaf, rydyn ni wedi cynnal sesiwn tynnu sylw gwych ar 'Popeth am Arweinyddiaeth yn GIG Cymru'. Rhoddodd Helen Thomas, Cyfarwyddwr Cynorthwyol Arweinyddiaeth a Dilyniant yn AaGIC drosolwg o'r ddarpariaeth arweinyddiaeth amlbroffesiwn ar draws GIG Cymru, a rhannodd cydweithwyr ym maes Gwyddor Gofal Iechyd eu profiadau o ymgymryd â'r Sgiliau Ymarferol ar gyfer Addysg ac Arweinyddiaeth ar gyfer Gwyddonwyr Gofal Iechyd (y cyfeirir atynt fel PSEL).



Cadwch lygad am ein calendr o sesiynau tynnu sylw a fydd yn cael eu rhyddhau cyn bo hir ar gyfer y flwyddyn i ddod!

International Day of Women and Girls in Science 2022



Bob blwyddyn, mae 11 Chwefror yn cydnabod llwyddiannau rhyfeddol ac ysbrydoledig menywod sy'n cael effaith ar draws y byd gwyddonol.

I ddathlu 2022, cafodd lluo o fodelau rôl benywaidd sy'n gweithio ledled Cymru eu dwyn ynghyd gan Techniquist, gyda'r nod o ysbrydoli cenedlaethau'r dyfodol: i'w hannog i gamu ar lwybr gyrfa sy'n canolbwyntio ar Wyddoniaeth, Technoleg, Peirianeg a Mathemateg (STEM). Cyfres o sgysiau byr yn cael eu darlledu'n uniongyrchol i ystafelloedd dosbarth ledled Cymru.

Fel yr esbonia Andrea Meyrick, Pennaeth Addysg Techniquist:

“Pan gawson ni'r syniad o ymgysylltu ag ysgolion fel hyn am y tro cyntaf, roedden ni'n bwriadu cynnal y digwyddiad ar y safle yn Techniquist. Fodd bynnag, fel sydd wedi digwydd drwy gydol y pandemig, rydyn ni wedi gorfod bod yn hyblyg i ganiatáu ar gyfer y tarfu parhaus mae sefydliadau addysgol yn ei wynebu.

Felly, roeddem wedi datblygu model digidol i'w gyflwyno i ysgolion uwchradd

ar Ddiwrnod Menywod mewn Gwyddoniaeth ei hun, ac roedd dros 7,000 o ddisgyblion o bron i bob sir yng Nghymru wedi cofrestru i gymryd rhan. Rydyn ni'n llawn cyffro am y digwyddiad a'r ffaith bod mynd yn ddigidol yn golygu ein bod wedi gallu cyrraedd llawer mwy o fyfyrwyr, ac o ardal ddaearyddol ehangach o lawer, nag y byddem wedi gallu ei wneud wyneb yn wyneb.

Mae cymaint o wahanol yrfaedd ar gael i bobl ifanc eu darganfod. Roeddem eisiau rhannu modelau rôl gwyb â nhw i'w helpu i lywio eu llwybr; a dangos hefyd nad yw dewis STEM yn ymwneud â chotiau labordy gwyn a gogls yn unig – ond mae'n amlwg bod lle iddyn nhw.

Fe gawson ni ymateb anhygoel i'n galwad cychwynnol i fenywod proffesiynol sy'n gweithio ym maes STEM i gymryd rhan yn hyn, ac rydyn ni'n ddiolchgar iawn i'n holl gyfranwyr, sydd wedi rhoi o'u hamser i greu'r rhaglen gyda ni.

”

Daeth y siaradwyr o sefydliadau fel Addysg a Gwella Iechyd Cymru 'Rhaglen Gwyddor Gofal Iechyd Cymru', BMW, Prifysgol Caerdydd, Asiantaeth yr Amgylchedd, Microsoft, Prifysgol De Cymru, Prifysgol Abertawe, Wardell Armstrong, Dŵr Cymru a Western Power ymysg eraill. Roedd ganddynt amrywiaeth eang o brofiadau i'w rhannu, ym maes newid yn yr hinsawdd, Ecosystemau, Gwyddoniaeth Biofeddygol, modelu data, peirianeg acwstig, peirianeg sifil, gofal iechyd, a gwyddorau cyfrifiadurol, a dim ond rhai o'r meysydd yw'r rhain sy'n cael sylw gan y grŵp penodol hwn o fenywod.

Gyda'r nod o arddangos menywod mewn rolau STEM a rhannu llwybrau gyrfa gwahanol sydd ar agor i fyfyrwyr, roedd ysgolion yn gallu dewis un o saith sesiwn ar-lein wahanol. Roedd pob un yn para awr ac yn cynnwys pedair sgwrs 15 munud gan wahanol weithwyr STEM proffesiynol sy'n gweithio yng Nghymru, ynghyd â chyfle i fyfyrwyr ofyn eu cwestiynau eu hunain i'r siaradwyr.

Roedd hwn yn ddim ond un o blith nifer o ddigwyddiadau ymgysylltu y bu tîm y rhaglen yn cymryd rhan ynddynt i ddatlu'r menywod a'r merched anhygoel sydd gennym yn gweithio ym maes Gwyddor Gofal Iechyd. Cymerwch olwg ar ein llyfr proffil swyddi menywod yn unig sydd wedi'i greu'n benodol ar gyfer y diwrnod hwn [yma](#).

Ysbrydoli ac Ymgysylltu â Phobl Ifanc ym Myd STEM

Beth allwch chi ei gynnig fel gweithiwr STEM proffesiynol i helpu pobl ifanc gyda sgiliau newid bywyd, dod o hyd i lwybr gyrfa boddhaus, a helpu i bontio'r bwlch mawr rhwng yr ysgol a byd gwaith?

Gallech chi fod yn Llysgennad STEM!



Mae Llysgenhadon STEM yn rhwydwaith arbennig o bobl y mae eu hangerdd a'u brwdfrydedd dros eu llwybr gyrfa dewisol yn un o'r ffyrdd mwyaf effeithiol o hyrwyddo gyrfa ym maes Technoleg Gwyddoniaeth, Peirianeg a Mathemateg (STEM).

O'ch profiad eich hun, rydych chi'n aml yn gweld mai pobl, boed hynny'n deulu, yn athrawon neu'n gysylltiadau eraill, a wnaeth wahaniaeth i'ch llwybr gyrfa. Mae Llysgenhadon STEM yn estyn allan at fyfyrwyr o bob grŵp oedran, o flynyddoedd derbyn i lefel uwch, colegau AB a chynulleidfaoedd cymunedol. Efallai eich bod eisoes yn cymryd rhan mewn digwyddiadau o'r fath ond dydych chi erioed wedi cofrestru i gael y teitl hwn a dod yn rhan o rwydweithiau swyddogol o gyfathrebu ac ysbrydoliaeth STEM.

Mwy am y rhaglen:

- Ymuno am ddim
- Darparu Gwasanaeth Datgelu a Gwahardd manwl am ddim
- Mân ofynion: un neu ddau ddigwyddiad o'ch dewis bob blwyddyn, gan gynnwys unrhyw rai a ddarperir gan eich cyflogwr.

“ Rydw i wrth fy modd yn bod yn Llysgennad STEM, diolch i ”
chi am adael i mi siarad am un o fy niddordebau angerddol.

“ Roedd y Llysgenhadon yn wych ac yn eu helpu i ddewis gyrfa yn ”
y dyfodol.

I ddarllen mwy neu i gofrestru, ewch i [Dod yn Llysgennad STEM](#).

Wythnos Gwyddor Gofal Iechyd 2022

Cynhaliwyd Wythnos Gwyddor Gofal Iechyd rhwng 14 a 20 Mawrth 2022. Cynhaliwyd nifer o ddigwyddiadau allgymorth ac ymgysylltu i ysbrydoli'r genhedlaeth nesaf o Wyddonwyr Gofal Iechyd ac i ddangos bod HCS yn yrfa sy'n rhoi boddhad ac yn hanfodol. Roedd y rhain yn cynnwys y gynhadledd HCS Cymru gyntaf y gallwch ddarllen amdani yn nes ymlaen, gan ddathlu'r Gwyddonwyr gwych sy'n gweithio'n barhaus i ddarparu gofal o ansawdd uchel i bawb.



The agenda for the first HCS Cymru conference can be found below:

- [Saesneg](#)
- [Cymraeg](#)

Cynhadledd Gwyddor Gofal Iechyd 16 Mawrth

Hoffem ddiolch i'r cyfranogwyr a'r mynychwyr am ddod i gynhadledd Gwyddoniaeth Gofal Iechyd Cymru 2022, Trawsnewid Gyda'n Gilydd ar ddydd Mercher 16 Mawrth 2022. Roedd yn wych gweld cymaint o ymrwymiad, a chlywed ein holl gyflwynwyr yn siarad am eu profiadau ar draws y proffesiwn Gwyddor Gofal Iechyd i gefnogi Wythnos Gwyddor Gofal Iechyd.

Cofiwch daro golwg ar ein sianeli Twitter, @HCS_Cymru and @GGI_Cymru i gael y newyddion diweddaraf a'r lluniau o gynhadledd dydd Mercher. Roedd cyfanswm nifer y bobl a oedd yn bresennol yng nghynhadledd Gwyddor Gofal Iechyd Cymru, o'n dogfennau Zoom wedi'u llwytho i lawr, yn 92 - ac roedd hynny'n wych! Yn y prynhawn, roedd dwy ystafell ymneilltuo: Trac 1 - Ymchwil ac Arloesi, Trac 2 - Ansawdd a Diogelwch. Roedd cyfanswm y nifer a oedd yn bresennol yn Trac 1 yn 20 a 13 yn Trac 2.

Cyhoeddwyd y gwobrau poster ar ddiwedd y gynhadledd. Dyfarnwyd yr ail wobwr i Natalie Hamling (Gwyddonydd Clinigol) a Dr Eloise Willis, a chafodd y wobwr gyntaf ei rhoi i Andrew Newman (Technolegydd Generig) a chydweithwyr. Mae'r ddau enillydd yn falch o weithio i Wasanaeth Geomeg Feddygol Cymru Gyfan (AWMGS)! Roedd y beirniaid eisiau mynegi bod yn rhaid pwysleisio bod yr holl geisiadau am bosteri'n rhagorol a bod ganddynt gryn deilyngdod o ran eu nodau.

#HCS2022



Cwrdd â'r Gwyddonwyr

Mae gan y GIG draddodiad cryf o feithrin y gwyddonwyr gofal iechyd disgleiriaf a gorau. Rydyn ni mor falch o ddatlu'r gwyddonwyr gwych sydd gennym o ddydd i ddydd i ddarparu gofal o ansawdd uchel i bawb.

Mae Ewan Roberts yn Radiograffydd Therapi yng Nghanolfan Ganser Felindre, Ymddiriedolaeth Felindre, adran Radiotherapi. Darllenwch am daith Ewan yma



Fy swydd fel Gwyddonydd Gofal Iechyd:

Gweithio mewn tîm i ddarparu therapi ymbelydredd i gleifion, yn aml y rheini sydd â mathau o ganser. Mae'r rhan o'r corff sy'n cael triniaeth yn effeithio ar sefyllfa'r claf, a'n gwaith ni yw sicrhau eu bod yn yr union sefyllfa gywir ar gyfer triniaeth. I wneud hyn, mae gennym gyfarpar sydd wedi'i ddylunio i gadw'r claf mor llonydd a

chyfforddus â phosibl. Yna byddwn yn cydosod y tatws a roddir yn y sgan CT, ac yn defnyddio'r gwaith cynllunio ar sail y sgan hwn, i sicrhau bod y claf yn yr un safle bob dydd ag yr oeddynt ynddo yn ystod y sgan. Rydym yn tynnu lluniau o'r sefyllfaoedd hyn i sicrhau ein bod yn trin y lleoliad yr ydym am ei drin. Gwaith pwysig arall yw asesu lles ein cleifion a rhoi cyngor ar sut i reoli sgil effeithiau'r driniaeth. Gall y sgil effeithiau hyn fod yn gorfforol ac yn seicolegol, a gallwn gyfeirio at weithwyr proffesiynol meddygol eraill a grwpiau cefnogi i ddarparu'r gofal gorau posibl.

Beth rydw i'n ei fwynhau am fy swydd:

Gwybod bod yr hyn rydyn ni'n ei wneud yn helpu lles cleifion. Yn aml, mae cleifion yn cael wythnosau lawer o driniaeth gyda ni, felly mae'n werth chweil gallu meithrin perthynas â hwy, gan ganiatáu gwell gofal. Rwyf hefyd yn mwynhau'r cyfle i weithio gyda gwahanol bobl. Mae llawer o dimau arbenigol ym maes radiotherapi y gallwch ddod yn rhan ohonynt, ac rwy'n gobeithio archwilio'r meysydd hyn i ehangu fy ngwybodaeth o fewn y proffesiwn. Rwyf hefyd yn anelu at ddatblygu yn y maes hyd at fand 6 mewn ychydig flynyddoedd, a band 7 yn ddiweddarach. Efallai y byddaf hefyd yn dewis ehangu fy ngwybodaeth drwy gael gradd meistr yn nes ymlaen yn fy ngyrfa.

Sut y cyrhaeddais i yma?

Es i Brifysgol Caerdydd i astudio Radiotherapi ac Oncoleg am 3 blynedd. Yn ystod y cwrs hwn, cawsom gyfleoedd i gael lleoliad yn Ysbyty Singleton yn Abertawe, Glan Clwyd yng Ngogledd Cymru ac yma yng Nghanolfan Ganser Felindre, Caerdydd.

Byddai fy swydd yn addas i rywun sydd:

Yn mwynhau rhyngweithio â phobl, cydweithwyr eraill a chleifion. Byddai hefyd yn addas i rywun sy'n mwynhau datblygu eu gwybodaeth a hefyd datrys problemau ac addasu eu gwybodaeth i gyd-fynd â gwahanol sefyllfaoedd.

!NEWYDDION!

Beth am ganu clodydd y gwaith anhygoel y mae ein Gwyddonwyr Gofal Iechyd ei wneud. Os hoffech chi gymryd rhan yn ein hadran 'Cwrdd â'r Gwyddonydd', cysylltwch â'r tîm ar HEIW.HCS@wales.nhs.uk.

